

崇信縣志

卷壹

地180175
42
:1~16
部=

中華民國十七年
重修
付印

崇信縣志

山左楊承基題

崇信縣志

一

民國戊辰仲春月涇

川復盛印書館石印

重修崇信縣志目錄

卷一

目錄

序言

凡例

街名

圖

輿地志

沿革

水利

疆域

形勝

山川

關津

風俗

方言附

物產

崇信縣志

卷一

目錄

二

建置志

城池

衙署

壇廟

堡寨

卷二

經政志

蠲緩

田賦

稅課

戶口

倉儲

郵政

驛傳

官師志

選舉志列表

學校志

儒學

書院

義塾

學務



卷三

武備志

營汛

城防

團練

警備隊

警察

古蹟志

城原

名勝

建築

寺觀

祠宇

井泉

陵墓

喬木

金石

人物志

鄉賢

忠節

孝義

懿行

羣材

耆瑞

殉難錄附

列女

壽婦

女殉難錄附

卷四

崇信縣志

卷一

目錄

三

藝文志

記

序

示

詳

稟

批

歌詞

楹聯

志餘

軼事

重修崇信縣志序

民國十有五年秋九月崇信令蒲君溶舉所纂縣志具牘請序於予予曰周禮大司徒掌土地之圖小史掌邦國之志月吉歲終以其道路其人民其物產其徵令政教頒為比澆載諸冊籍此吾國郡縣志所由昉也惟江文通以一代宏碩而有作志最難之歎蓋志猶史也今人生古人後郡縣之志間世一修其事業麟炳聲施卓然者振筆書之無慮遺佚否則人望風微代遠年湮非擇之不精即語焉弗詳此所謂無史才則陋無史學則野無史識則鑿合才學識三者缺一不可而西北諸省論志乘者康對山之志武功李空同之志慶陽趙浚谷之志平涼折遇

崇信縣志

卷一

序言

四

蘭之志寧州鎮原有聲著作之林班史而下傑構也崇信一邑宋初始設縣治屬陝西秦鳳路渭州金屬鳳翔路元明時屬陝西平涼府清隸平慶涇固化道以涇州直隸州轄之民國肇造縣未易名仍屬涇原道山窵而深民樸而質城郭如斗環境彈丸雖文獻之征率淪於兵燹而蟻蜡之俗猶近於古風清順治初武君全文宰斯邑撰志一卷道光中有續輯者付梓未及遺草僅存今越三百年矣蒲君慮先型之或墜也以簿書之暇任編纂之役覃思竭智綱舉目張搜葺舊聞潤色鴻業測山川之險易紀時代之盛衰與夫學校田賦官師古蹟忠孝懿行藝文軼事都為四卷炳炳琅琅粲然大備此固守土者之職責也惟

丁此學術榛莽言龐事雜之秋得以勞勞志乘抗心希古冀接
踵於武功慶陽諸志之後塵不誠良有司哉抑予更進一言曰
方今列強環伺中原沸騰道德國粹也宜堅守之法律國脈也
宜修明之農商國本也宜敷勸之礦業工藝國計也宜振興之
必建一議而貽地方之利畫一策而造生民之福實心實力不
憊不忘勤為成書俾後世法其烈不尤偉歟質之蒲君以為何
如解梁薛篤弼序於甘肅省公署

崇信縣志序

余回巡涇原之又年大部調集志乘及轉以徵之各縣遲久鮮應者蓋隴上阻塞銅敵當盛清承平時縣之有志書者十無六七迄花門亂起涇原荼毒尤苦市井率墟有志書者益十無一二雖亂後休息將近四十年然凋敝已甚民業未獲猝復降及今而政益窳民益敝因之以饑饉師旅官吏士民日交困於艱難險阻中治薄謀生之不暇誰尚有餘力探瑤輪搜玉版徐作藏山之業也哉去冬

山右薛公來長隴上謀納庶政於軌物察吏爭相琢勉如正寤如化平如靈台如甯縣均以修志告崇信蒲令溶蒞政僅數越

崇信縣志

卷一

序言

六

月孜孜焉庶政備舉亦以其餘敦任紳瀛翰致力於此稿脫郵以示余兼請為序嗚呼將欲撰述已事備紀文物以開來茲而示百世豈易言哉豈易言哉來稿雖體例文字間有待商處然遷敝如崇信清順治道光中經兩次修輯皆粗具墳垆未嘗成卷付梓及今不述後之人益將無從資其考徵任紳能以繼往開來自任左右又無人焉為之供搜採分撰述獨竭數載之構思憑一人之記憶以纂成是書斯以肩天下之至難矣故為之序使付印以作後述之嚆矢焉

甘肅涇原道觀察使者天水賈續緒序於道署之崆峒山館

重修崇信縣志序

志猶史也史則綜古今治亂之由志則備太史輯軒之採體例雖殊借鑒則一縣志顧不重乎崇信舊志區區者僅一卷耳自清初創修數百年凋零磨滅文獻闕如士紳之各守土者亦不能無責焉予於民國甲子攝篆自愧庸材勞形案牘未遑考古稽今與邦人士商榷補輯引為憾事瀕行諄囑任海珊君宏此遠謨博考旁參討論而潤色之以成一代人文之盛歲丙寅濫竽教壇授課餘暇恒低徊於龍泉鳳嶺與夫風俗之醇厚民情之馴良以縣志告成問一再敦促大義責之遲遲年餘方以初稿見示凡建置田賦文教武衛以及官師人物舉前志之未及

崇信縣志

卷一

序言

七

網羅者別類分門採擇精詳煥然改觀於以知此書之成其名雖因其實則創也海珊老矣不憚經年累月苦心孤詣從事丹鉛豈徒垂久遠而昭來茲哉蓋以方志紀載輿地方有莫大之關係如志人物也若者為忠節若者稱孝義服先疇者睹世澤之流芳油然心存於忠孝如志官師也某也祀名宦某也著政績官斯土者緬芳塵之可步毅然念切於循良其他教育實業種植工藝皆可窮源溯流謀改良而資考鏡其進化豈有窮乎於以歎海珊之所望者切所期者遠非徒以網舉目張有條不紊為足盡其能事也聊贅數言併其稿而還之

中華民國十五年孟夏靖遠張明道序於蘭垣法政學校

重修崇信縣志序

歲丙寅予權篆崇信下車徵求縣志冀以知疆域之沿革風俗之良窳戶口之多寡物產之盈絀與夫山林川澤之變遷教育實業之進行為實施政治之標準邑人任海珊君挾舊志來予閱之而歎曰區區一卷自清初創修蓋數百年矣文獻散軼咎在士紳子盍取而補輯之海珊初猶囁嚅繼乃自陳已從事編纂未敢公然示人者古人云志者史也無史才則陋無史學則野無史識則鑿三者予無一焉殆所謂陋且野野且鑿也何足以塵大雅之鑒衡而為高明所鄙棄予曰昔人論文以深者見深淺者見淺二語盡之深者如獅子搏兔必用全力淺者如鴛

崇信縣志

卷一

序言

八

馬負重汗血併流程度不同大候亦因之而異志以記事當論其記事之詳簡不計其屬文之工拙予何見之不廣任其屬稿將成搏沙忽散舉三百餘年之風俗政教因革損益與縉紳之選忠節之操足光簡籍者方策所存謳吟所發足被絃歌者悉湮沒而不彰予又何忍乎海珊猶一再遜謝強而後可志分十一類曰輿地曰建置曰經政曰官師曰學校曰武備曰選舉曰古蹟曰人物曰藝文總之以志餘增之以軼事網舉目張有條不紊如肯堂然材料未富遑云雕飾而戶牖布置悉合軌度不能如元和之詳武功之簡就崇信而論亦可謂高出尋常者矣江文通有作志甚難之難予更進一說曰作崇信志尤難蓋文化

謝陋考據闕如惟以耳所聞目所見採訪所及者集腋而成裘
焉豈不難之又難乎海珊曰縣長知其難而責備之恐閱者不
諒其難而嗤予之率爾操觚不自知其難也然義不容辭亦但
勉為其難耳唯唯而退志既成爰叙其緣起如此

中華民國十五年孟夏天水蒲溶樾軒甫叙於崇信官廨之補
讀軒

崇信縣志序

予以戎馬書生馳驅秦隴閱十餘稔矣歲丁卯諮議隴東鎮署適崇信猝遭匪患滿目瘡痍人不安枕自維襪線之才奉委權篆下車先留心於地方之形勝關塞之要隘索閱縣志冀以得所依據設備籌防俾人民有安居樂業之慶據紳耆以重修志稿進丐序並囑妥籌印資以廣流傳志訂為四冊分十一綱繫目五十六蓋邑人任瀛翰所輯也披覽之餘非敢謬許其詳而能眩信而有徵然自清順治間創修閱三百年文獻散軼獨能考古稽今以成此踵實增華之盛舉編纂者之苦心亦各前任提倡之力也他不具論獨餘事一則紀清同治年回氛肆虐經

崇信縣志

卷一

序言

十

過事實而蹈刃磨笄大義凜然之忠節烈女甄錄特詳一縣如此他縣可知迄今逾六十年痛定思痛直令人恨當日司兵柄者以恒怯貪鄙貽誤事機隴東數百萬生靈付之一燼也並紀湘陰左侯戡定大亂再造甘肅戰績政聲躍躍紙上實足令讀耆動欽慕之忱焉夫志猶史也史有專官志則無之故重有賴於熱心地方之紳衿崇屬僻壤首先告成方志也而褒貶厲焉其指陳利弊採取格言尤為有關政治人心之作正不必其搖筆成珠動墨橫錦負燕許之大文章以討論而潤色之也予躬逢其盛亦樂觀厥成爰拈摺付印並不揣固陋而為之序

中華民國十七年仲春山左楊承基紹先甫序於縣署西軒

重修崇信縣志凡例

一縣志創修於清順治六年補輯於道光十五年體例糅雜傳抄訛謬事實亦多舛漏今參考舊志重新採訪不敢謬言編纂官師選舉藝文之外計分七門以綱統目依類相從而以志餘軼事終焉專為記事不計工拙 高明不嫌鄙冗俯賜筆削尤所歡迎

一古重圖經修方志者尤以輿圖為本崇邑教育幼穉測繪學素鮮講求勉繪區域圖一縣城圖一雖欠密合形勢大概似可一目瞭然

一恆星分野轄境遼濶崇信居涇川西六十里省東南九百里

崇信縣志

卷一

凡例

十一

彈丸黑子不過井宿之毫釐耳故不列星野以免附會失實之弊

一志分輿地建置經政學校武備各門依類相從者如沿革列輿地之首而疆域形勝關津山川水利風俗物產附焉城池列建置之首而衙署壇廟堡寨附焉蠲緩列經政之首而田賦戶口稅課差徭倉儲驛傳郵政附焉學校首詳儒學而書院義塾學務以次相從武備首列營汛而城防團練警備隊警察連類以及非敢云有條不紊似無糅雜淆亂之弊

一官師本宜列表惟自明迄今逾三百年文獻無徵姓名籍貫率多散失按年編次諸感困難今倣趙汝谷華亭志例就有

所考者依次書之入名宦著政績者各於本人名下立傳或略予贊揚以示民不能忘之義

一選舉表文武並載文以五頁止武以舉人止雜項出身及捐貢等項概不登錄而鄉宦武職醫學陰陽學附載於後

一援古乃可證今於古蹟一門首列城原名勝而祠宇寺觀陵墓古址喬木分類以附藉備考據

一崇邑金石無多兵燹後益形寥寥附在古蹟之後不另編專門以省繁冗

一本邑人物事實可入傳者以年代為次分鄉賢忠節孝義懿行羣材等類以清眉目不分文武不論貴賤以符方志體例

崇信縣志

卷一

凡例

十二

必其人蓋棺論定然後編次存者不錄若殉難捐軀而事蹟失傳者另編男女殉難錄以存其名

一婦貴三從今倣後漢書晉書列女傳例題某人妻某氏某人母某人女以符古義貞烈節孝按年編次已請旌者列前未請旌者列後至其人尚存未經褒揚而守節已逾二十年均采輯以闡幽微

一藝文立志代有成規張敷五畝蘭志例碑記文詩均雙行附註各本條之下藝文專載本邑人著述分經史子集四類崇邑前輩著作寥若晨星今擇其噲災人口暨與地方風景利弊有關者略備一格知無當於體例閱者諒之

一同治兵變為崇邑人民一大厄運傳聞異辭殊為憾事今自同治元年起至八年止經過情形事實連類書之亦春秋記災不記祥示戒之意也僭志 左帥平回方略傳大有造於甘肅之福星偉人雖代遠年湮猶得於方志上欽其雄才大略以代馨香之祀故以志餘名焉 一軼事流傳無類可附或事涉怪誕荒渺而相傳已久或見之筆記者皆輯為雜錄以識其餘

重修崇信縣志銜名

鑒定

特任甘肅省長 山右薛篤弼

甘肅涇原道尹 天水賈纘緒

監修

崇信縣知事 靖遠張明道

崇信縣知事 天水蒲溶

崇信縣長 山左楊承基

總纂

前陝西商州直隸州州同 邑人任瀛翰

崇信縣志

卷一

銜名

十四

裏校

崇信縣署科長 涇川高澂

崇信縣署徵解處主任 貴州汪磊英

前甯遠縣訓導 邑人張崇教

前文廟奉祀官 梁逢善

前縣議會議長 朱善學

安肅道道尹公署科長 邑人梁迪純

縣農會會長 關仕

前四川補用直隸州州判 邑人張翰儒

甘肅教育廳科員 邑人李全贊

前 教 育 局 局 長 王 安 堂

校 對

縣 農 會 副 會 長 任 宸 翰

邑 教 育 局 視 學 員 梁 維 晉

前 甯 縣 管 獄 員 邑 人 關 樹 滋

邑 實 業 局 局 長 關 含 章

前 勸 學 所 所 長 朱 光 煒

邑 保 衛 團 團 總 長 保 萬 鍾

謄 錄

邑 教 育 局 視 學 員 楊 世 泰

崇 信 縣 志

卷 一

街 名

十 五

崇 信 縣 署 科 員 靈 台 王 人 杰

二 等 銀 色 獎 章 邑 人 任 廷 颺

縣 立 高 級 小 學 校 教 員 駱 兆 麟

縣 立 第 一 初 級 小 學 校 校 長 梁 樹 達

縣 立 模 範 初 級 小 學 校 校 長 劉 奎 忻

前 第 一 初 級 小 學 校 校 長 梁 經 邦


邑 教 育 局 文 牘 員 任 廷 珍

邑 高 級 小 學 校 畢 業 生 關 樹 然

邑 高 級 小 學 校 畢 業 生 張 雲 棟

崇 信 縣 署 科 員 邑 人 王 化 育

崇信縣區域圖



每方十里

- 縣界 
- 縣城 
- 市鎮 
- 村莊 
- 大河 
- 小河及水渠 
- 縣道 
- 界標 
- 凸向方流水 
- 山上 
- 山下 
- 山綫 